

彛

壽

軒

詩

鈔

彝壽軒詩鈔卷八

錢唐 吳應 神甫

丙辰

新春雪後放晴

臘雪入春正寒凝氣倍清
九衢全寂靜一室大光明
煨芋添爐火提壺倒酒罌
醉聽簷水滴朝日喜庚晴

人日雲泉招同滋伯綱士集疏影庵觀盆梅分韻得梅
字遲醇士韻梅不至

春風早自歲前回春雪吹寒不禁梅
七數主賓人日聚三分香影草堂開
客車或阻衝泥滑花態都如舞鶴來
攜得瓦鑪烹玉茗解醒不怕碧螺盃
滋伯攜陽羨新製白堊茗爐來煮雪共嘗雲泉以大螺盃勸飲

題溥周上人獨立雪梅間圖

清芬莫若梅，皓潔莫如雪。雪裏梅英開，至清亦至潔。珊瑚紛
交柯，色香合雙絕。剪綠花闌瑣，骨寒餘凝鐵。天心數點見，壺
冰一片結。翩如羽衣人，飛入瑤臺闕。又如高士躡空山，臥巖
穴。不惹一塵纖，盡消五情熱。對此清淨客，悠然得禪悅。

湯雨生都督遺墨古柏圖翁叔均大年屬題

嚴霜靦勁節，遺墨寫貞心。黛色參天峻，銅柯閱世深。將軍懷
大樹，滄海感哀琴。世篤精忠美，珍圖重藝林。

公癸丑春殉節圖爲王子秋作

臯亭看花歸舟遇滋伯綱士與章小萊庭棧同游招余

過舟步游東鄉晚宿章氏溪莊次綱士韻贈主人

訪客還招隱，看花且避賢。桑麻桃李地，詩酒佃漁仙。襟抱春
風挹，文章野老傳。從今東郭興，又寄水雲邊。

暮春偕滋伯綱士游鳳皇山暮至梵天寺歸飲城南酒

家追憶昔游不登此山者二十年矣今昔之感拉雜以

長古寫之

舊友傷塵埋舊游亦雨斷

丙申同游者
彥甫子乘

咫尺城南山廿載隔

河漢人生幾回來俄驚歲華晏腰腳猶堪誇儔侶亟相喚天

朗惠風和春深芳草漫山桃紅雨殘圃菜黃金散循逕入鳳

麓舉目忽景換名藍荒庭除精舍渺墨翰

勝果寺訪阮文達
公鳳麓精舍不得

雲巖與月巖一片榛莽亂扶筇步平巔江湖一几案但有石

排衙飄殘舊亭觀校場空談兵戎事失布算故宮感禾黍真

靈佑材幹

錢武肅詩刻有建瑤臺禮
玉京顯真靈籤上清等語

俯瞰寒波深天影罩沙

岸平睇繡塍遠海氣結煙幔下山重停車坐愛石粲粲惟此

面目真不朽古今玩雲躍耶歸耶只在此山半

有歸雲洞
羅雲石

力攀藤蘿石門豁巖畔天梯敢獨升老偏健髀髁雖虧九仞

躋堪傲二客憚悵惘石仙窩仙几竟區判上天梯在兩壁之

有洞曰石仙窩余賈勇勉登最高一巖徑嗟荒蕪壁字復漫

證厚尺餘竟不得上至此已見巖洞總讀詩無完吟題名不成段剝蝕縱冰霜摧殘乃斧爨郭公

泉路迷通明洞泥爛勝境阻幽探靈根付叢灌斜陽明歸途

古寺訪碑讚經幢雙柱存損泐失條貫一井棄空園無屋無

板餘靈鰻安在哉芑野有鳴鶴梵天寺中靈鰻井舊在兩殿

蓋有四眼俯視淵淵今寸瓦片石皆無井在荒原土垣下舊事問新僧目瞠辭莫贊僅有

前明碣文記可檢按悲哉七百年梵天傳震旦世界過昇平

煙月生悽惋不見舞鳳地山水文章煥但見虓虎軍旌旗營

壘并去去不可留涼風起關閉遊情今視昔幻影增三歎不

如酒家眠花前舉觴看

春杪偕滋伯綱士韻梅游韜光壘甲申年舊游韻

盤紆篠徑雲千疊香潔蓮池水一方山靜游人春欲去雪留
古木氣逾蒼綠陰臺榭園閒寂白霧江湖障森茫石墨寄藏
懷舊蹟可能永寶十三行

前以曹園院碑
墨蹟存庵中

題景秋田

梁曾

趺坐圖

世續箕裘振組紱紀羣環頌鳳聲清宦游車馬長安客家學
丹青小李名歸老

詔書還側席養疴煙墨自怡情鬢絲禪榻心多妙靜相工夫
壽相生

仙人高士住梅東百樹梅花一放翁翠石羅軒峰突兀朱闌
夾徑雪玲瓏晉賢觴集鳴珂盛郢客簫聲隔院通閱歷韶華
躋大耋團蒲悟徹印泥鴻

班荆兩世舊因緣洛社題襟記昔年秘閣巾箱窺墨寶浮雲

輪轍話燈筵黃墟追感山河異白髮相看歲月遷明鏡非臺

何所著泊然老衲守枯禪

先大夫里居時與尊公暨林下諸先輩爲耆英會曾於世丈齋中觀

書畫小冊祕帙贊歎不置

寫生妙手接甌香金粟前身現道裝丈室散來皆錦繡尺練

傳去比琳瑯筆權造化拈微笑心去愁思坐亦忘慧業畫禪

融二諦如如居士老香光

君以無心愁思四字隱寓別字見自題語

四月十一日偕綱士登七寶山玉清樓聽院僧話舊下

嶺暮飲山樓待月作

日夕登西山高下遶幽磴俯臨七寶峰如海萬綠淨荷捲人

晚歸叩扃僧遠應斷垣蒙榛蕪孤幢黯光瑩開閣眺鳳嶺窺

破檻可凭大江風雲馳雄城壁壘互道人話前事鶯花覩全

盛巖間桂樹屏猶是當年剩零落殘天香蕭寥闕靈勝草木

飄旌旗鼓角雜鐘磬聞言感昔游我亦心惘惘緩步迴前照
秀石寒霧凝但有守陴人來去度蘿徑空谷少遊屐落照起
林暝山樓沾老春有酒餅且罄明月海上來栖鳥煙中定下
界蟲飛聲營營謝清聽何如乘風去翱翔玉宇雙

四月二十三日偕羅鏡泉

以智

游虎跑理安得詩四首

輕陰蔽晨曦微颺生夏涼忽墮萬綠海山南深蒼蒼雨過湧
濃翠綾障千重張雲影罩臺笠林靄霑衣裳停車更緩步礪
壑盤羊腸

深寺飄巖陽川寺不見門喬林遶曲磴古槎穿藤根起伏紆

百丈鵲落還龍奔凭闌清照膽登閣悽招魂烹泉啜茗繞

樹吹煙痕

虎跑寺定慧閣榜徐信軒
太守書今聞太守已想化

幽勝煙霞路翠石香花屏嵌空玉玲瓏吹靄林葱青不雨自

鳴笳非秋亦含馨久別古仙人畏炎遊屨停訪舊待登高重

來拜山靈

欲重訪煙霞洞十六應真像以炎暑不克登陟

踰嶺入九溪一曲山一重曲曲轉脩徑重重圍梵宮貧寺來

高僧支郎伴遠公法藏護龍象禪堂嚴鼓鐘松閣喜茶話後

約期螺峰

僧一如移居理安與主僧共整寺規裝補藏經有坐禪淨侶殿閣對螺髻峰寺僧云惟中秋之月當

峰頂約秋
中往宿

喜惕齋姪典試粵東疊前年補侍御詩韻

未縮銅符去先持玉尺來凱歌龍子嶺壯覽越王臺衣錦看

還里求珠要網才九原知大快拭盡舊塵埃

粵東賊平補行乙卯科鄉試

六月十六日江上送客月下觀潮作

融風滿城炙甕牖風多那敢披襟受偶然送客登江船滿船

清風來座右風鼓白浪搖兩舷玲瓏窗檻水氣穿回頭沙岸

烈火燎方信六月深江寒坐談習習快雙腋不覺金盃側落
日夕陽澹後青山來海門黑處明月出月如圓鏡浪如馬萬
道銀虬遠翻瀉勝點平波錯落珠恍排貝闕琉璃瓦四更濤
來一丈高船隨濤舉如戴鼉月波捲地亂堆疊雪山泚濤風
颭颭此際同舟意兀兀榜人喧呼客船發逾時水靜山又明
更看朝霞起溟渤

紀旱二首

丙辰夏秋旱太甚蘊隆燥人如爛臉大無禾苗涸泉飲湖河
淺竭猶拾落蠍蚌可掇魚不淪滿塘踏車空踴蹠飛蝗蔽天
爛若錦千里地赤歲不稔民歎汙萊采蘇荏官憂總結闕倉
廩靡神不舉神不論潛淵癡龍自酣寢東南風鶴靡安枕那
堪黔釜更失飪

倬彼雲漢當霄橫安得手挽天瓢傾沛然大澤川澮盈饑饉
弗免疫可平禾稼弗納圃可耕更與淨洗東南兵鼓輦烽火
無譁驚中澤安堵消哀鳴催科寧拙撫字誠助其不給寬其
征溝壑之瘠遂厥生民氣恬固邦安貞嗚呼浩劫奇災兩患
并誰回天者天在擊

中秋後二日簡滋伯

三伏不逢雨中秋不見月夏熱居鑊湯秋陰錮幽鬱一歲幾
良辰虛擲居諸瞥一生幾勝賞相煎煩憂密念彼佳日難顧
此雙鬢雪休教猿鶴嘲秉燭猶恐失

書蘇州薛觀察太守煥治奸民事并序

粵東奸宄聚於吳會為劫害民薛公甫下車卽於八
月十五夜羣奸酣飲時率兵役往禽數百人天明返

署請大吏會鞠得實者卽誅於郡庭吳人快之

亂國宜重典鋤莠斯安良火烈勝水懦春露資秋霜酷吏不可學亂民亦宜防吳漢止赦令鄭產端刑章東海尹翁歸相州梁彥光救寬利用猛燕翼能虎張姑息與選悞壞法貽禍殃堪歎輿戶者失律凶否臧田禽弗克執涓流成汪洋暴弃士驕悍巾幗將懦廷縱弛在一日毒痛流四方咄爾海濱人鼓煽來潮陽狙獷性鯨鰐貪很聲豺狼逃秦晉國盜樹黨南方強白挺肆剽略黑獺恣猖狂男匪好國分黨其剽掠爲偉暴則同多服黑衣繫朱帶哉薛太守英風振吳閭下車靖反側默坐安蕭牆佳節罷衙宴中宵呼戎行似雪夕李愬似元夜武襄酒酣開鵝鴨繩縛驅犬羊平明請大吏會鞠臨郡堂一一服其辜安用羈析楊速殺毋稽誅五步血灑裳橫尸積山岳懸首盈中唐民悅大

一
除歡呼如雷硯百人斧鑕伏萬家衽席康安民以智勇仁
術原無傷靖國以果毅機事能獨當五字兼仁嚴岳忠武五字兵法曰

智仁信勇嚴兩端濟柔剛將帥盡如是笑患軍不揚
附裝船赴吳門

同舟各屋最安便稻飯魚羹潔且鮮不寂不喧欹枕坐閒聽
客話靜開編

呈趙靜山撫部

來往煙波舊釣徒昔游幽興在菰蘆學詩清德堂前侍先大

吳者再昌皆隨侍載酒長洲苑裏娛曾王平江雲間小鳥已

欣依大厦春風容易到平蕪琴川風景平生夢可許知章借

鑑湖

冬初西溪道上

清霜戒微寒陽春照溫旭已絢丹黃林未改百卉綠溪水靜
含煙蘆花澹破玉幽鄉將別去青山嗤我俗

丁巳

丙辰之冬余浮家鰥溪而疾作丁巳春扶疾歸里又兩
月病乃已病起書於香溪泛宅圖卷後

東軒數間屋屋陋卻身安小閣雙峰見連牀萬卷攤旅巢棲
鳥倦游棹載書難還我逢蒿里窗松寄傲看

飲淥吳儂慣湖山盡日嬉登臨城市近奇好雨晴宜江郭雄
襟帶溪流陋粉脂興來搖一舸歸臥六橋湄

吳中香溪一
名脂粉溪

東軒偶成

庭院溫風拂憑欄樂意多斜陽眠乳鴨驟雨浴新鵝拋卷閒
尋夢吹簫靜按歌北窗剛臥起對影見姮娥

讀法時帆先生存素堂集懷遠詩一卷內有懷先伯
父廉訪公詩云烏絲小楷寫冰詞正是煤山散學時歎
息玉堂不得入抱筆軍門去何急前身乃是梅花僧歸
來風雨荒寒仍禪板蒲團理清梵胸中留得光明燈懷
先大夫倉場公詩云賦才卓犖聲摩空雲旗繡旆乘
春風始知才大百事舉藉爾詩書固吾國太行以西風
俗醇詩教猶不違先民使者序詩具深意轅門何甯鐘
鏞陳標題鄂樓觀察蘭渚方伯蓋嘉慶初年所作也追
憶敬次元韻二首

銀鉤書法黃絹詞班馬文章鳴盛時仕宦求出不求入捧檄

祇因負米急

伯父三赴春闈爲養親計就棟發

請纓人似打坐僧華廬旣膺

清素仍手攜詩卷下廳宇香山宗派傳心燈

伯父儀吉堂詩學香山

殿中作賦金聲空戟門畫角生寒風手劖長鯨旄節舉波息
南溟靖邊圉昇平不覺治化醇到今受賜江海民榕嶠摩厓
紀名宦豈惟三晉嘉謨陳

讀史

相如難蜀文諷諭比龜鑑遠人羈縻耳中外限天塹元璫語
頡利口伐勝戈劒華夷勢相睽所求兩不厭水陸聲必聳犬
羊意無厭納五十國質安民免昏墊築三受降城制敵如塞
陷緬懷班張勛所貴威德兼世有非常人思古結遐念

晉君爲方伯三罪而民服漢臣作廷尉輕重法自足刑賞馭
邦國衮鉞判榮辱平者毋使傾竄乃等於酷苛政類虎猛佚
割滋蔓毒火烈水則懦用中立其鶴莫濫千戶侯須防一路
哭赫怒民可安寅恭政已肅八柄愼董勸兆人仰威福

養兵歷百年用之在旦夕如何總三軍別召厮與役沸擁哮
闔羣雜募僧騰客蒼頭與犀角豨勇而豬突豈皆羽林兒快
手精手匹錦襖貨市傭青袍隸軍籍滿驍祿賞錢爲劫萑苻
澤遇敵每棄甲裹糧空負戟師旅苟踴躍簡練一勝百恬嬉
士氣衰救時從下策

乾元李侍郎取士能攷實備忘盡其才經史庭中設元和舒
中丞上書戒苛切眞鑒在持衡相待豈隸卒卓哉兩賢議作
人振唐室疑奸多隄防慮有投粟出莘老與晦翁亦論與賢
術遇士以小人安得君子節求才道不足防姦法乃密謨惻
翼爲型唐宋有前哲

自題 國朝詩鐸

青儒吐言辭於世期有濟豈徒累篇牘月露風雪享樂府愛

香山陳事比賈誼詩史稱少陵三別與三吏文昌仲初儔歌
行亦其類上德宣忠孝下情通諷刺聞者足警戒言者無罪
戾箴誦師矇職興觀懲勸義聖代求昌言交儆勵圖治咨
諷拾闕遺拜獻補偏敝惜哉充棟編紛若散珠碎不免聞見
遺曷資韋弦佩披揀集衆益民生暨吏事以充銘座詞以爲
采風備

白題 國朝詩正氣集

此集稿本
亂後已失

忠孝節義事史傳志乘詳詠歎興感易重此歌詩章所以載
筆者聯珠標羣芳英辭鼓正氣豈惟闡幽光往古難盡數斷
自今 虞唐 醇化二百載盛碑碣祠坊但計歌詩篇萬首
羅琳琅所見擇尤雅闕者待補亡一讀一擊節其氣至大剛
比日星河嶽如芝蘭鸞鳳教庠塾婦孺播篴絃宮商油然孝

弟生幡然頑懦良勝彼志傳交長吟沁肝腸願傳萬本讀振
世扶綱常

蘇祠水亭坐月

水亭明月下荷氣送黃昏螢點穿菰葉蟲聲絮草根鄰鐘沈
萬籟湖月印千痕清絕消炎暑高朋况其樽

小雀爲狸奴搏噬救護無補經日而斃感賦

命在呼吸間人物同一致禍患豈能防坑阱隨所離弱肉強
則食知覺忘其類可哀黃口禽猝遭虎吻噬偶逢紅袖憐強
覓黃花飼宛轉踴逾時摧頽慘就斃離亡母未知蜉蝣了此
世異乎禽獸者惟人解仁義以人而欺物刀俎殘殺恣百計
網罟施千般割烹試須知物讐人更甚與物懟

滋伯護惜石蒲春山堂中旦夕自移出入有稱君爲蒲

奴者余謂勝爲他奴遠矣何修而得此稱也可以美之
四體勞勞萬事奴慧癡清濁有殊趨堪憐蝶惹蜂沾癖那比
栽花種竹娛小草在山真有志虛心能拜願爲徒蕭閒運甓
吾從好笑煞秦宮醉醒無

仲秋復游吳下出門爲風雨所欺至吳門疾作閉戶養
病悵然賦此

出門悔吝生小疾致大損偶爲微風欺乃比劇盜很滂流走
脂液刺鉢到肝腎頭重懸旌搖足弱跬步窘清秋勇鼓柁香
林待招隱車中新婦閉陌上芳華隕來時翩似鶻病至蹉如
蜎喟然息遊心歸歟興已盡

過含山至新市

又過含山路桑隄一望平暮煙村樹黑落日水波明雲作靑

山補橋通曲港橫鄉氓忘世事羨爾樂漁耕

借滋伯綱士滿覺隨君桂遂游煙霞水樂二洞

蓮葉餘香雜木樨林巒清氣滿秋陂青煙萬綠叢中起知有
人家正午炊

勝境都教委蔓榛扶筇覓徑踏磷峒海波噴作煙霞屋湧現

錢唐古應真

煙霞洞屋乳網下垂
皆如潮湧浪之形

殘桂猶馨老栗堅幽香遶度水潺潺愛他屈曲蟠溪澗一掩
一重山外山

笙歌何處響泠泠古洞聲傳雨後聽翠石飛雲虛洞腹秀奇
誰似此山靈

晚秋雨後坐雙樹樓

著屐難躋葛翁嶺拋書且上仲宣樓日含殘雨紅牆角雲凝

奇峰挂月鉤對影三人杯勸酌當天一幅畫懸秋何須強欲登高去醉把茱萸解百憂

九日偕綱士韻梅飲西齋和滋伯韻

怕去登高躑躅行良朋雅集到齋榴小臺快挹西山爽久雨難逢佳節晴秋色招來庭卉滿市聲遠處道心清遙憐高會萸爭插忽動江關別後情

近從吳中別弟姪歸

可羨園看菊贈項秋伊主人

項叟蓺花得其養歲歲年年花盛長逢秋來看一番花番番換眼增奇賞矮菊高蓉枝蔓連蓉爲屏障菊爲田五光十色珊瑚枝互霞蔚雲蒸錦道纏花間亭子疎簾幙遶花四壁傾囀酌百篇爭送好詩來醉吟不覺斜陽落遊客娛嬉一月豪王人辛苦一年勞三時灌溉勤程課萬種韶華釀雨膏去年老

園尋秋過驚看花樣盤盂大翠鳳修翎蝦娜翻雪獅雄貌婆
娑坐今年冒雨步芳疇更訝花高過我頭直參蓉錦連城峻
絕勝薔紅一丈迺如此秋容歎觀止花亦爲容媚知己恨客
歌無黃絹辭拚取醅醕眠甕底

將約滋伯綱士蓮衣湖上看紅葉回憶庚戌初冬偕蓮
衣小垞子翰舊遊蓮公繪卷余題五古一篇今小垞墓
有宿草子翰移家遠去因次前韻志感先柬諸君

久雨快時晴寒霜破暄煥出郭看青山著色改眾綠葛嶺樹
繡森蕉石逕窈曲朝霞皎初升美人正新沐明妝映錯鏤秀
麝添華綉愛此秋林清勝彼春花俗前游感黃墟邈若遷陵
谷存者別千里亡者辭五濁湖山尙無恙騁懷且游目麗容
幾日妍其惜流光速

上元醫者葛君芝山夫婦殉節詩

并序

君名鏞字芝山少讀書僧寺遇異人謂曰君有道骨
可學仙君笑謝之復與書一卷展視則岐黃家言其
方皆肘後所不載遂學醫試其術如神貧者不取錢
而贈藥餌資咸豐癸丑粵賊陷金陵脅爲醫衙僞職
不從妻周氏同志昇兩棺于堂與妻縱飲沈醉整衣
冠各入棺呼人蓋而釘之當塗馬鶴船作傳徵詩
濟世侔良相成仁景大賢直令簪組愧不惜室軀捐正氣留
天地芳名在史編英靈霄漢永何待學神仙

秋游屢阻忽爾餞秋紅葉黃花皆盡矣感次西齋前韻
空抱煙霞泉石情老無遊侶太孤清蒼茫詩思立於獨沈醉
天容還吝晴幾月芳辰隨逝水一編盡日坐茅楹羨他年少

偏豪興聯袂尋秋陌上行

淨修四詠追和汪篋谿夫子作

并引

余拾得先伯父鄂樓公所著儀吉堂詩話不全本
二卷內載師作標曰篋谿上舍則是未第時少作
已精妙乃爾余老學孤陋讀而悅服強顏追步鄙拙
自慙師遺集未刊零落不可問幸此橐手蹟一紙
存焉裴治珍藏並錄存於拙稿中以志忻慕且以志
余之不學云

經卷

菩提非樹鏡非臺無法因何說法來筏渡迷津逢岸捨燈傳
朗曜撥雲開莊嚴貝葉真空相清妙蓮花大辯才何必梁園
五千卷心持半偈萬言該

蕭梁華林園釋典五
千卷見隋經籍志

念珠

心逐牟尼念在茲豈惟手作轉輪持提撕方寸靈臺覺降伏
無明狂象馳拈線走盤川不息低眉合眼法無爲闔黎襟袖
誰無此誰不虛過二六時

香鑪

不比瑤窗金鴨熏瑠璃寶地妙香聞數星幽火明殘夜一穗
疎煙湧大雲燼滅灰寒參夢幻經行宴坐伴清芬縹緲驚颺
風前篆一寸光陰一寸焚

蒲團

膜拜金仙五體投威儀末事貴熏修七條衣上徒徇僂雙樹
林間慣息游如鐵坐來真裏足擁寒睡去任垂頭此身分付
空諸有能否調心似牧牛

顧况詩蒲團坐如鐵坡公詩擁褐坐膝依圓蒲又此身分付一蒲團

箕谿夫子原作

講世樟秀水人嘉慶丁卯舉人官江南武進令

經卷

糟粕醍醐兩未然本無文字是真詮偶因白馬來香海盡
與黃金布福田頂踵勤賑半偈餘霜呵護靜諸天若爲
留得將來眼妙相齊開舌本蓮

念珠

何苦毘盧頂上尋明珠只在窠人襟縱難滌蕩無遮眼要
使提攜不亂心七寶自裝瓊瑤串千山莫過海潮音法輪
了了乾坤轉付與雙九閱歲深

香鑪

劫灰彈指世間非稽首虛空篆靄微樓閣華嚴童子髻旛
幢兜率化人衣量沙捧土閒中性納火消金悟後機會得

香光常寂處
天花都作片雲飛

蒲團

立地機關等
碎塵跣趺方丈卽由旬
一絲不挂云何住
五體同投始是真
壁上海歸去面病來居士溼
盤身趙州錯道禪牀好
足繭荒山大有人

輓章次白同年

我昔弱冠日君方強壯辰
庚年各薦鶚共爲觀國賓
慚我宴鳴鹿讓君才炳麟
黃絹好辭麗紅芙佳句新
相逐短轅車共踏東華塵
冷官老鄭虔傲裘困蘇秦
招隱湖山里攜手隴畝民
旣申之盟誓更重以昏姻

昏姻洽孔云阿宜慙孤獨
能讀韋翁經遂坦郗牀腹
良治貽珍裘清冰謝華玉
東瀛彩霓仙西曹白雲局
珊瑚枝鯨海收鐵

面烏臺肅一麾指江鄉干尋顏岱嶽久別喜將聚大耋嗟何

速生離忽死訣雙雙感風木

典興仁姪為君女夫幼失怙恃能讀父書由木天入蘭省轉歲恒

正君夫婦偕歸道山之辰

風木雖電逝大年已日長等身富著作巨眼深文章妙文在

不平繚曲清思揚一枝龍蛇筆萬變雲山芒詩心曠且奧刻

意追蘇黃詞唱雅而潔虛懷訂周姜晚歲覺元理靜聞無礙

香指點不住心梅竹馨山莊

君自號晚覺道人築梅竹山莊於留下

山莊借圃寬市曲茆堂小

山莊又關地蒔花日借圃市曲茆堂城中居宅之名為避車

馬喧非營巢竊狡蘆花又梅花雲谿清夢繞祭酒與徵士俎

豆幽光紹

本興寺湧具區先生木主將隳失君葺屋安癖泉主又偕同人移樊榭徵君之主奉祀亦蘆庵

石煙霞友余李汪趙

慈柏西齋小米次閑入騶驪亦聯五簋樽屢倒可

愛醉喧呶羣驚氣矜矯而今都已矣顏謝風流杳

風流今歲盡老友傷凋零兩旬失三子五君連新塋君與金

雲泉二旬內相繼逝其前先亡者五人中有三又皆同年生

王仲常莊芝階一歲中亡五友矣君與芝君與芝四十九年榜數點稀晨星感逝行自念霜雪鬢鬢盈

後輩又寥闕幾人芝樹庭令子能濟美百里才縱橫慰君詒

翼念增我惆悵情哲嗣子辛山廣文得縣令

冬柳四首

猶記登樓媚眼窺陌頭翠色闕三時長條折盡無多剩倦客

歸來未有期潮岸朔風搖碎雪永豐寒月照荒陂一聲羌笛

關山怨羞說芳春濯濯姿

隋苑城蕪汴水寒數株衰草共凋殘白門落日鴉成陣青女

霏霜雁集灘戍卒哀多心怨訴將軍營老樹閒看東風火速

催春轉莫竟漂搖到歲闌

章臺昔日颺青青忽似殘荷老荻形曾共春旗臨大道又隨
秋水送長亭靜無蟬影聲全歇慵學螺鬟睡未醒待得柔條
垂裊娜歲華別是一番經

最憶風流玉殿隅眼顰眉翠瘦腰扶縱教舞倦全非舊還看
穉生莫便枯白傅隄邊愁繫馬吳王宮裏怕啼烏江潭易起
蘭成歎那更依依雪載塗

歲暮

索居寥寂久風雪又柴門杯舉千愁解燈來一室溫供花爲
伴侶開卷勝談言忽已歲云暮江梅動遠村

銷寒四詠

鑿冰聲

擁被聽人說曉寒小鬟敲玉倚闌干捧槃乍觸金聲脆擊壤

應憐素手酸忽墮水中魚潑刺似開山去石巘崦遙思川路
喧闐打更有風霜行路難

街柝聲

長宵頻逐鼓鼙鼙短夢初回睡不濃深巷遠音驚卧犬小樓
清聽雜霜鐘酒醒明月催詩思船宿孤村憶客蹤儂抱眠衾
猶似鐵憐他風雪板橋衝

夜舂聲

樂歲多稔百室盈隣舂夜半達天明殷牀橐橐人初靜到枕
登登夢亦清月下疎砧方遠和巷中寒杵又爭鳴御冬有蓄
勤無匱課讀須知學課耕蘇詩殷牀
聞夜舂

爆竹聲

已歎駒光逝水流又催殘歲此聲稠連宵夢覺年華去萬戶

春生樂氣浮山鬼潛形成是福衢童掩耳喜還愁如寤息後
條風至簫鼓旋聽紫陌頭

殘臘過林處士墓前巢居閉門梅林枯盡悵然成詠
孤嶼梅林枯欲盡無花可折到今年眼中卅載三興廢此日
逋翁掩戶眠

彝壽軒詩鈔卷九

錢唐 張應昌 仲甫

戊午

宜春帖

寶字題春帖迎祥祝罄宜門閭新氣象歌頌麗文詞

詞臣恭

帖手 翦綵添釵勝生花繁筆枝韶光開九十桃李及芳時

歡喜團

金爐添獸火繡戶燕烏丸願比常圓月全祛一室寒隔年占
興王圍座說團樂樂意融融處無愁但喜歡

過城東臯園和滋伯

韻時為游宜館舍改其園屋

風雅淪胥屋宇華誰知當日遠春餘直將金谷千絲障圍住
河陽一縣花高柳不遮青帶幕古藤猶幻老龍蛇園林亦逐

時遷改喬木蒼煙佩故家

舊園風景絕勝今皆改觀高柳二株久其伐矣

汪子義

曾學

屬題尊公少淇

通孫

遺照

昔日東軒社杯筒集勝儔花潭兄弟樂菖水畫圖留

東軒吟社圖費

曉樓

卅載風燈過羣賢墓草凋人琴先後杳嘆逝慟西州

社中

胡書農吳子律兩丈幾蕙窗夏松如莊芝階章次自方雲泉與君兩昆小米又邨相繼羽化而君又亡

遺貌如蓬面而今感若何樽尊人廢幾老友淚流多綠綺傷

絃絕青娥想鬢皤

圖寫橫琴旁有侍女執拂

已盡歌嘯歇况又換滄波

湖上坐瓜皮艇口占

三兩人堪受一雙槳其擘軟波天上坐片葦畫中行牽荇窺

魚便衝烟掠燕輕往來湖水慣拍拍與鷗盟

二月十四日章小萊招同絢士泛舟臯亭看花遂游龍

居佛日晚歸宿章氏溪莊疊前蛇字韻二首

晚晴水木湛清華際曉開門一望際浩渺忽迷雲外樹空濛
更愛霧中花尋香欲趁雌雄曉交繹如歸首尾蛇遙指古樟
峰下路心飛先到梵王家

幽棲兩刹會龍華路繞臯亭不厭賒妙相半千尊者像高懸

一丈瑞香花潭亭密篠招飛鶴佛社清鐘警睡蛇佛日寺外潭亭環繞

修竹寺中雙洞經緯丁鴈跡且隨明月返山家龍洞仙姑洞未及遊

十五日重游臯亭山下再疊前韻

霧收風捲日光華春色剛逢一半賒船到兩頭香客會光分

四色寶池花鵝盤雲鬢飛釵鳳魚貫霞裾走陣蛇是日燒香游女如盛

便擬小溪深處住扁舟權作武陵家

百步塘瞻水月老人遺像

重訪幽棲百步寬遺容瞻禮想衣冠照人慧眼秋潮澈拂袂

修髯道骨寒游戲滄桑觀
逐鹿了知夢幻說驂鸞神仙一幅
真形在誰與裝題保壞殘

游龍居佛日二寺五古二首用五仄五平體

赤岬大樹左羊腸穿巖深
閣逕坦白石紫畦鋪黃金刻紅雪
屈鐵虛亭籠厓陰趨步陟
翠麓蓮宮瞻華琳四閣像五百諸
天荆辰參法相帝變現清
臚來憑臨戲幻立坐臥嬉娛圖景
琴擲鉞踏海水乘鼃騎山
禽匠巧極妙勝超南屏雲林初子
富產施精廬無虧侵異卉
儼貝葉歡生菩提心別去意惺惺

青空聞龍吟

龍居寺

寺有五

精古

停橈湯家河地曠土更沃
紆行雙峰間繚繞篆路曲

鮮于伯機游記

村路詰曲如行香篆中

山家或茅棚藻繢賽廈屋林畦花紅黃菜麥榎

碧綠旃林門幽清洗念棄
五濁溪渠環雙橋露榭翳萬竹宗

風承天台鉢帽守澹朴香壇喧鐘魚佛社飽茗粥金經傳鍼

神繡楮韞寶櫝

寺藏康熙時吳中女士李氏所繡真書金剛經

探龍尋泉源枕石待

漱玉

樊榭遊記寺後循東麓下水流石上如鳴玉鼓絲之聲窮水原得龍藏泉

斜曠催歸舟索隱

興未足慚貽山靈嘲薦勝負往躅

王茨楷遊錄曰薦後之遊者佛日寺

二十九日偕綱士游西溪聯句二十四韻

一谿新綠好

仲

河渚短橈浮隄抱四圍密

綱

港通千轉幽豆

垂花似雪

仲

桃捲浪如油楊葉嬌黃染

綱

蘆苗淺碧抽賞秋

曾載酒

仲

彈指賸題樓木偃波堪坐

綱

魚潛餌不投數家成

聚落

仲

孤寺布枰楸激蕩船唇語

綱

盤孳樹腳樛橋西炊飯

午

仲

潭日步林陬迹印雲章閣

蔣氏所築

綱

芳華杜若洲來禽盈

手贈

仲

騎象百神搜舸漫誇青雀

綱

盟應訂白鷗山童羣笑

客

仲

漁婦慣操舟濠舫輟人住

綱

有

避亂廣陵人雲谿舊

榜留

雲溪庵榜嚴顯亭先生書

法華泉汨汨

法華山開步

仲

開化塢悠悠

欲游

花陽距開化亭路遙不果游

水陸逢香市

綱

農桑徧綺疇梅庵沿曲水

庵在蘆庵側

葭里溯清流斑管存詩翰

綱

紅桃豔寶球翕依微

士主

仲

茗借野僧甌歸櫂乘陰霽

綱

荒莊感屋邨

過張文敏公山莊前

僅存之畫壁今亦無存

光風紛目給

仲

蹊徑與心謀養彭龜逢鱗

綱

痕起渡頭嬉娛消永日

仲

曠覽洗煩憂信宿村居好

綱

今番

愜快游

仲

梅竹山莊感次白同年之逝次壁間唱和舊韻

滿園春色幾年關人往空留屋數間越水吳山方攢攢梅痕竹影獨閒閒一坏黃土埋詩骨雙樹丁香冷玉顏老友凋零行自念奈何三好不能刪

重過永興寺憶甲辰歲偕次白來用錢虞山柳河東唱

和韻同作紀之今寺更荒壞故友亦亡感懷疊舊韻

古刹荒煙繞逕斜幾間遺贗梵王家孤梅樹老枝留半二雪

堂蕪興不賒馮厲香龕如委莽

前奉厲飲君玉陪祀馬祭酒今兩王並居角座壁間

朱

彭章

白鴻迹亦搏沙前賢故友今都盡過眼風燈感歲華

三月既望西溪道中

又是春歸夏欲臨養蠶天氣半晴陰齊肩豆麥千畦秀蘸眼
雲煙萬綠深點水鳬疑灘上石鳴春鳥弄竹間琴酣游最愛
如年晝不厭頻番勝地尋

泛舟揚仁里

綠漲西谿路春波沒半篙擔柴堆野店撒網聚漁舫葉沃蠶
猶小村幽犬不號甘棠橋外樹應是武陵桃

過姥嶺下山村

過嶺山圍住蒼松夾翠篁鳴泉搥紙客走陌采茶娘香市稀
春晚巖翁睡日長不知風鶴事羨爾白雲鄉

初夏滋伯招同綱士虎跑泉亭上嘗茶拓碑用坡公韻

澗草巖花一逕香雲陰無暑袷衣涼泉流瀟瀟豁亭敞石響
登登夏晝長乞得墨華醒世語銘諸座右養心方滋翁拓碑
余乞得燕
詩數行愛其
中有道語也

偕滋伯綱士游吳山仁王寺次元人錢思復韻

幽谷避炎暑茗談消日長山樓江浩淼石佛地清涼鴻跡憶

先覺鯉趨聞妙香先大夫曾於此
禮懺余隨侍宗風淪墜久重過意回皇

渡江至西陵綱士客蕭山招余
與滋伯游越中

秋曉彩雲澹江村白沙淨晴波萬點金峭帆三折徑回頭鳳
山渺瞥眼牛車迎輕陰來爽氣媚碧越峰互

蕭山祇園寺

新成窳堵煥蓮宮合號雙林配六雄七寶莊嚴偏勝妙三雲

樓閣特玲瓏塔求舍利泥封久圖攷觚棱範鑄工難得來遊

逢戊午千年顯德到咸豐

乾隆丙申古浮圖圯中有顯德五年戊午十一月夏承原造舍利

小方銅塔後重建時封于浮圖之中不可得見幸有海鹽張氏金石契圖刻可攷顯德五年至今年歷十六戊午千歲矣

隆興寺

隆興橋畔降興寺倚阜臨流奧曠兼層壘畫樓攀石級淡濃

秀野入秋簷晴窗全挹西山爽廣殿應忘赤日炎千仞青蒼

千頃綠羨他永夜對明蟾

門外崇山秀整網土當深宵坐月於此

湘湖城山寺

芡花菱葉望周遭西去城山漾小舸八十里如溪路窄百千

磴上寺門高率鴈秋興無蘊菜文種威聲有海濤日暮青煙

橫嶺下但餘埽壇幾家陶

曹山岩訪陶石簣讀書處壁前韻

疊嶂何年斧劈遭是魚樂國絕漁舫澄潭翠綠雙門豁峭壁
丹青十丈高驚起一羣栖穴鳥涼生六月挂松濤吾家亦有
煙波宅可似山房石簣陶

會稽有張志和宅

吼山空明庵壁前韻

曹山轉棹吼山遭理策平橋暫捨舫遶閣清池巖突邃參天
白壁粉垣高甘泉瀟茗嘗鴻漸怪蝶當樓寫石濤真是空明
殊勝界結廬願學逸人陶

觀越山鑿石處

游歷羊山遶門山曹山吼山所見

越山鑿豎匠心斲人巧既極天工錯奇觀妙手造物讓能奪
扶輿氣磅礴我昔鼓柁羊山邊漸漸之石何牢粿大佛孤龜

視仙臺其旁刀斧現霜鏘今來權過簪簪山數里巉巖遶西
郭九疊雲屏繪素青萬片錦帷綴斑駁泛入曹山與吼山歎
觀止矣倍神愕壯若五丁開蜀道雄若巨靈劈華嶽參天千
仞壁削成拔地羣峰劒立卓翼然若堂若夏屋金覆深潭霽
臨閣大廈聳飛勢驚崩一柱擎之輦厓脚崕呀岩洞東潭口
窈窕山樓對峰角天梯石櫺橫鉤連鬼斧神鉅妙追珠喬穴
藤蘿島託棲澄淵窟宅魚跳躍負牆仰面意震蕩眼酸股栗
靡欲落越王當年參大地未事雕鏤世醇朴開山築宇蓋楊
葉不惜斧斤竭剗鑿昔時泉石氣喘牛今日遊人心控鶴石
貴精舍空明庵愛此幽棲好叩壑炎歊不得窮躋攀夢繞雲
降入寥廓會當天朗氣清時重尋峻嶺崇山約雨看山屏瀑
布流晴捫峰頂蓮花萼惜楊山房信宿留更將泉石幽襟拓

余癸丑暮春初浮家鑑湖適遇悼亡之戚未暇一至蘭
亭歲月巧逢而禊游有關殊恨然也今秋始得至焉感

成長律用進退格二十四韻

咸豐年癸丑日月暮春初遊地山陰道浮家賀監湖里通蘭

上近山是古名徐

余居徐山與蘭亭皆在鏡湖中蘭亭亦曰蘭上里

千載禊辰合一

邱幽抱符

右軍蘭亭詩散懷一耶

旅集驚鵬鳥比目泣鰥魚境有彭殤

感人無少長俱煩愛人事迂腸詠俊游虛此誤天難補如流

歲已徂清秋浮盡鰓追巡策疲驢草木山香繞禾苗隴秀敷

溪翁撐竹筏游女臥欒輿野篠干竿綠離花數點朱平橋橫

澗板高舂俯清渠香稻營糜粥秋蔬采筍蒲峰巒仍峻登林

竹賸蕭疏曲水披榛蔓顏亭遠徑蕪敬瞻

仁廟筆雄壓右軍書窠劈雲飛勢龍跳虎臥模重排傳後序

獨學念遺廬迹其荒祠冷心悲墨沼枯

右軍祠壁有石琢堂文重排蘭亭禊游後

序石刻丈殿後其吳閶第宅獨學廬亦就荒

仰懷全盛日歡迓

翠華車慨念思周道高風况晉儒寒煙生浦潏斜日下村墟
興盡移船去情遷事又殊

詠杖和頤道堂集中韻

扶危須仗此君行不厭巖間橐橐聲九折嶢岵隨步穩萬重
蒼翠振衣輕池闌舟柁同功用鳥道龍泓盡坦平長短並攜
肩負去小奚勞爾侍先生

題丁竹舟

中松生

丙兄弟

風木盦圖

臯魚古孝子思親忽慟哭欲養親不逮飄飄感風木親恩罔
極恩教誨兼鞠育幾人報劬勞無忝夜與夙春暉倏徂邁秋
露增悲觸所以至行人遂廢蓼莪讀丁蘭醇篤士兄弟明德

勗咳華曜潔白廬柏挺寒綠翩翩雙鷺鳥來向此庵宿

新市曉望

權入清溪路雲陰失遠山菱荷排水市鵝鴨鬧湖灣人度桑
陰裏舟穿菱葉間羨他漁舍住煙水意閑閑

烏戍薄暮

斜陽淡沲媚晴川銀色鱗雲卵色天一幅宋元人小景泥金
毫染石青牋

歸舟偶成

菱花菱葉夾洲薄斜日光中萬簇金喚賣聲聲來小艇道儂
新采自波心

日落橫雲一抹青峻嶒誤認遠山形恍游吳苑天平路又似
錢唐寶石屏

舟中嘗新采菱

新舉丫角出淪漪翠被紅綃裹玉肌風致天然何所似憶似
碧玉女兒時

題許玉年瑞芴軒詩遺集四十韻

君家兄弟盛才名不可當令聞重海內豈惟冠錢唐玉昆金
友七與我論雁行齒尊者先進我幼難頡頏爵尊者位高我
驥殊低昂蛩駘惟爾我徵逐形相忘君性醇趙醴君才富曹
倉三絕詩書畫架筆珊瑚牀金臺錦鞵遊玉湖明月光佳士
四座客高談萬丈芒愧我如小巫投地拜子將配三筆六詩
君行次居青士太常演生尙書之間宜金門玉堂仰屋奈塵飯製錦煩雲裳投
筆萬里去玉關旌旆揚名宦才子作經術吏治良昔爲苦寒
地今爲安樂鄉鑿山瑞炭出浚井甘泉嘗圓扉靜雀風封境

毆豺狼知時降珠雨利涉成鐵梁綠桑補園土紅柳栽召棠

皆辛環縣時事乘槎星宿海立馬昆崙岡謳頌溢方渠聲教流敦煌

惜未竟其用騎箕返天閭循吏生樂只明神死馨香至今安

西路赫濯崇城隍注見前卷惟我別如雨懷惻徒西望兩傳遠鴻

書再賦甘州章余答書及輓章二首書歡不可續怕見蘇隄楊

鶴去巢居閣零落梅花靖道光初諸君與同人孤山林祠補

廢矣買山不得隱空憶亭清涼注見前卷言念草堂詩遺集緘青箱

廿載鬱光氣譬如錐處囊歲月易淹忽英華懼銷亡今日一

編捧照眼紛琳琅瞻懷雷陳誼慨歎如消腸悲來百端集生

死兩別長君墓木已拱顧我鬢亦霜願速付梨棗願裝貽縹

緗快向夜燈讀分儲名山藏不朽傳盛業藝林留清芳

哭次兒興厚

昔我五十餘哭兒失一臂老年形影對惟日嗟予季獨子無
童孫分勞少副倅老已不能安衰容久憔悴今我七十翁汝
又將我棄汝仍無一兒贖我祇獨自碩果驚飄風枯楊斷生
意危顛誰持扶勞苦誰給侍車牛誰服牽救水誰供備謀食
老不能持家老反累搔首問蒼天夙世何罪戾

汝體幼懦弱又甚於汝兄夙抱肝胃疾兩虧衛與榮四十試
八科一矜困廿齡寒皁老難守窮途計乃更擲攘彈冠侶羨
鳥高雲青念汝秋土瘦勸汝儒官營苜蓿雖冷味文字無勞
形汝志乃向熱慕彼遷喬鶯那知入宦海滿街走簪纓兩載
賦閒居一差守郵亭曠野六月虐大暑二豎攫珪爵未析僮
棟楹俄隕傾早知黃梁夢悔不青疇耕

先疇既荒蕪家食久匱竭捧檄忽色喜爲米肯腰折待彼叅

鶴俸救此涸鴈轍聽鼓剛兩年同袍有千傑遠期綰雲章渺
若望天闕未得升斗祿忽邁膏肓疾爲貧而仕者不救貧而
歿其人不存矣其財路亦絕蚊負債成臺蟲寒號滿室願我
龍鍾叟何處蠅頭覓仰屋長咨嗟何以能永日

汝與兄伯仲兩命何迤邐旣俱遭短折又俱無丁傳汝更三
娶婦始終一孫艱汝母與兄嫂相繼歸重泉逝者目豈瞑長
夜心懸懸望汝得官祿事畜俯仰全望汝得嗣續栢棧詩書
延今日皆已矣幻夢空花捐我已迫桑榆似燭當風前孀孤
汝婦陳伴我垂盡年寡獨皆窮民相視慘相憐一家五十載
飄散如雲煙傷心哭到汝咄咄書空歎

尋星次四憶堂集中作

妖彗秋中見庚辛位正西島夷方不譴天象豈無稽累丈橫

金帚中樞射紫霓匡時思晏子修德用安齊

已未

七十感懷自述

不虞身到古稀年憂疾親心昔最憐望得一孫繩繼早

余夙善病

先大夫常憂之甲戌生長子興廉

大人寄諭曰汝多疾

望汝早得子聞之甚慰命之曰阿繩取繩武意也此子侍

先大夫十七年見誰知雙樹折摧先丙子得子興厚侍

其紡年入泮色喜耳道王寅冬廉見忽亡去閱然我後躬違

秋次兒又娶兩兒均無子余老年子孫俱絕

閱老作窮民淚獨漣家棟何堪傾至再小樓枯木慘寒煙

東軒築樓面隣家榆柳高樹二株顏曰雙樹樓黃雨子生孫

階前並茂也乃十餘年來榆先被斫老柳復枯適為雨子並

亡之兆可勝詫歎

德業文章仰治弓析薪弗荷羽蕤氈無才自守蓬廬拙不學

難窺藐海洪手儘鈔書非著作

拙編春秋屬辭辨僻南北史

辨小錄補正國朝詩錄等

十一

皆鈔胥之事耳眼殊炳燭早昏矇

左目成障已七載止以一月視

最傷家事無交替

老不能閒是爾翁

少年傲倖鹿鳴歌

天語驚心受寵多

庚午倖列賢書時

先大夫撫閩例應具仁廟殊批欣慰覽之

忽痼膏肓來二豎遂教鼯鼯歎連科棟惺載筆叨精祿辜負

承

恩賜綺羅

癸未以內閣中書充實錄館纂修宗實錄甲申書成恩給一等議敘本班先用並

仁

賞銀兩緞綢余仍以病不得補官不礙無官欣有子傷哉今日慟西河

卅年家食飢生塵弱子彈冠祇為貧五斗精猶遲祿養崇朝

病竟棄衰親

先大夫歸田後至今歷三十餘年余以病不止兩子又屢曠鄉閭廉兒既早逝不及謀仕厚兒

援例就江蘇同知需次龍鍾難學謀糧雁踟躕真同涸轍鱗

兩載未絕印符亦病天翻羨亡妻先我逝同甘偏未共酸辛

弟姪分符各一麾欣欣並茂向榮枝舟南弟分守川沙楊竹齋姪亦池建昌府任
林荆樹堆離緒海國江城繫遠思羣從森芝歌綬若齊惠齋
諸姪皆冷塘夢草歎淒其慰情便許教螟負能否扶持日暮時

周甲過平纔十載經友朋眷屬兩零星出門春少看花侶入

室人如對月形余與老妾媾媳今一門止三人悽愴寡鳬哀

玉軫寂寥么鳳伴銀屏瑤英算合庚先後還悵添丁兆不靈

陸嫗疑孕數年仍不育
余庚戌注姬庚辰生

子亡孫杳壽奚求舊壁欬厥贈句留山水難醫窮獨苦詩書

徒悔翼論謀前周甲時友人贈聯云愛山水游其人多壽得詩書味生子必貴尚懸舊壁而情隨事遷矣

彥瑜通脫蠲三好平子迤邐抱四愁西嶺吾廬梅桂補待鐫

祠碣在山邱生壙在禹航姥嶺下擬添植梅
花桂樹曾有滿庭芳詞記之

四朝追憶歷承平
鼙鼓烽煙迫我生
幕上燕危難穩宿
林陰鶴老况孤鳴
誰傳手澤書千卷
漫遣眉愁酒一甕
惟證無生歸極樂
心持半偈萬緣輕

正月二十一日由三竺至雲林憩冷泉亭

殘雪嶺坳剩早春
香市稀池清萍綠
眾泉響樹聲微風
鏗空山戛雲茶竇
馬飛獨憐疏影裏
遲舞縞仙衣

茶煙

正是春風賸茗天
靜看禪榻颺輕煙
乍過蟹眼重重裊
還教鴉鬟緩緩扇
吹到庭階醒鶴夢
拂來襟袖聳詩肩
爐雲駐後餅甞起
七椀明前更火前

花影

天然妙筆寫生圖
滿壁窗橫匝地鋪
彩上畫闌殊有意
倚來

翠袖宛相扶燈前綽約人同瘦月下橫斜夢不孤雲破之時
簾捲處卻慙子野好詞無

竹韻

此君塵外意翛然佳士翩翩座上延瀟灑清風明月下森疎
青嶂白波前柳條漢殿同飄颻梅影橫塘鬪翠娟把臂入林
誰得似嵇琴阮嘯晉諸賢

棊聲

響到空齋靜晝時有人隔院正敲棊恍疑雨點當階滴想運
兵籌擲子遲午枕驚回陳夢斷宵燈怕落好花垂消閒無負
佳光景清耳何殊聽竹絲

閱 殿試錄喜惕齋堉身東所得士李君 文田 進士第

三人及第與 先大夫乾隆乙卯分校本房潘君理齋

世瑣得第三人之事先後符合嘉話也欣誌一律

六十餘年兩探花祖孫盛事可傳家六鼇一釣蓬山占

乾隆乙卯

本房門下僅六人

五鳳齊飛彩翮華

今科會試粵東中額五名補桃乙卯科連捷門下士得其三

李階庭雖少植再

先大夫止一與禮闈分枝即擢外吏不得遇衡文之役惕齋亦止一典試即出守

瀛洲衣鉢已堪誇他年門下門生見要視春風暖絳紗

農部

早歸田未得試差

同作

興烈

翰林聲價重龍門衣鉢傳家祖及孫入洛舊栽花滿縣登

瀛新植李蟠根百年繩武瓊林選兩代衡文玉尺存拭目

秋風持鴈節詞科佳話好重論

過金波園有感

在杭城金波橋

昔年翰墨簪纓第今日栽花載酒園若比朱門馬家宅更教

白傅歸銷魂

題高小垞不秋庵遺詩

讀破琅嬛萬卷多詞源三峽倒江河滄洲山嶽搖銀管翡翠
蘭茗鏤玉柯比賦偏工能體物尖叉慣疊肯韜戈集中詠物作疊韻篇
並假年才豈輸蘇李詩墨追懷猛將摩

謝滋伯餉陳酒

邇來一飲便兀兀張豚憤興動陰血白晝頽然中夜渴皆云
暮齡元氣衰力不能勝麴蘖材養生急避糟叩臺一身三焦
並禁斷無以澆書冷玉案寂寥秋月春花畔昨君招我西齋
中洞庭春色琥珀濃鬱金香滿琉璃鍾撲鼻已教神觀爽到
胸頤含淑氣盎六腑百骸均得養一盃一盃復一盃旬十餘
杯後神恢恢但有和暢無摧隕歸來低唱高歌樂吟到更深

燭花落酣酣睡去清霄鶴乃知養老物有真良醞何殊善藥
醇買春誤盡提壺人一日神仙三日苦沽來督郵等市脯何
處黃封訪儀杜君能愛我罄餅贈一壺之錫百朋勝恰迎風
雨重陽興鞠華如繡滿庭開喜白衣人送酒來連朝大笑傾
芳醕只愁幾日良辰過依舊村醪歎無奈憶殺蘭英孔公座
愛人愛徹君知不大藥須以鍾觚投指途示我中山求

高飲江

模

屬題其先世遺蹟二圖

明遺老古處先生

克明

礪綠社圖

飲翁
遠祖

逸老西溪聚曾傳梵隱編達夫眞碩士社友盡名賢葭里懷
秋水桃源記洞天清門章祖德禱蹟善承先

介石先生

朝綱

河渚讀書圖

飲翁
高祖

河渚讀書地祖孫招隱心詩篇存息壤盟約誤塵襟樓想梅

花繞圖留雪爪尋田居遺墨在吾亦負林岑

錢叔美丈爲余畫西谿山居圖

卷此願未償爲恨

厚兒周年感賦

從兄拋父去永別已經年入夢無魂魄堆山有紙錢教余揮老淚爲爾築新阡冥漠歸何處悲秋慘暮天

葬兩兒三婦于午潮山悲賦

絲絲餘杭山悠悠西谿路慄慄清霜天槭槭白楊樹蕭蕭皓首人踽踽北邙步慘慘送骨肉悽悽執紼素憶昔雙玉柯庭階芳蔭護擇師課詩書媚學能文賦兄慧蚤游庠未冠英髦譽弟長亦舉芹觀摩勉策駑昆弟能求名吾得安吾故望秋蒲柳質采薪病久痼昆弟能服勞游藝習書數吾老旣厭倦并以家政付兩兩完室家內佐勗荆布向平了未了弟又歷

三娶老翁心力殫含飴待孫孺顏景望閒嬉書卷山水趣那
知蹇命人天則厄其遇長兒祖屬望及壯玉樓赴濯錦被塵
埋徵蘭無夢作猶冀弟續兄功名似續裕次子強仕年廿載
秋風誤因食甌釜空爲貧簪組慕那知蹇命人天再窮其遇
兩載大府趨一病短夢寤既無祿逮養亦無孫含哺功名枉
振纓似續不延祚人絕財亦絕兩絕一無助七十老病翁窮
獨奚所訴縱有同根主未暇波及顧哀哉蹇命人何以安顏
暮絲絲餘杭山悠悠西黔路慄慄清霜天械械白楊樹蕭蕭
皓首人踽踽北邙步慘慘送骨月悽悽執紼素兩兒同夜臺
三婦其朝露齊臻臻五棺哭哀哀一墓養生送死事子孫之
當務一一倒逆行衰齒何依附汝亡安幽窆吾存似飄絮子
身漸龍鍾萬事難枝梧伶俜况瘁人餘生無限苦生無助臂

者死誰收骨去死亦任飄零老境先難度哀哉蹇命人慟絕
還呼籲是何罪愆深不能衰老怨天既無語言人孰扶顛仆
西風山阿起斜陽孤影駐作達待遣愁愁來無遣處

余六十後有脾泄疾久而弗瘳今至七十氣虧疾甚良
藥難求而飲食亦多與病忌生意索然賦此自解

吾生疾疢多補羸賴甘旨老去怯霜寒沾春一樽喜飲茶雖
不多催詩亦偶爾六十脾土衰一病河魚似中夜數披衣一
食三遺矢三千六百日未嘗一日止額唐至七十百骸歛委
靡端坐如折腰跬步忽艱趾寒宵目常瞑暖晝背澆水還資
口體養或得精神起而乃變陽胃弗能飮滯澹柔滑性多礙
酒茗腸若洗減食又斷飲安得壽生體養生千百言老病無
一是延齡罕大藥用享空二簋草木將黃落雨露徒然耳一

笑姑聽之身命且修俟餬口但療飢朶頤休染指除吾嗜欲
情守吾清淨理

今歲恩科鄉試長洲宋子庭司馬翔鳳重宴鹿鳴

賜晉知府銜寄賀二律

懸車頤老脫鷹鞬晚圃天香福更稠大耄精神尊杖國等身

著述紀簫樓大集名詞隼旗今日

恩榮特鳬舄當年宦績留三喪賡歌傳盛事

壽科人瑞聚南州今科江新重赴者君與通州沈翁頤國秀永金翁岱降共三人

阿婆又入少年行梁山舟學士佳話同符學士梁溪水門前

懷大隱君家葑門築菁莪會上誦新章先庚兩遇

天恩巧君嘉慶庚申恩科登賢書今歲豐庚申無鄉科重赴者皆于今歲舉行亦恩榜也周甲重

奉月府芳幸附年家先輩仰瓊卮遙介魯靈光

亡兒興厚以江蘇同知奉檄駐望亭防緝咸豐八年八月因積勞冒暑在防病故 奏請 賜卹九年十月十三日蒙 恩旨 贈知府銜並廕一子 賜職州倅悲感恭紀

正逢志士立名秋未綰銅符赴玉樓守犬邏防臣力小畫熊寵卹

國恩優慰情猶緩呼螟羸延賞先蒙逮治喪亡子叨榮親老苦更無餘息待田疇

病中自歎

猶記尋秋腰腳誇清霜初戒病交加朽株枯木春難遇漏盡鐘鳴生有涯顧後無人傳手澤著書空自誤年華數編珍帙誰收拾不使沈埋落溷花

余手輯未刻之書中南北史藏小錄補正二十八卷甚博益於詞賦

書蹟：國朝詩錄若于卷亦有補於吏治民風此二編今
無力自刊采輯匪易沈埋可虞未知好事者能爲刊行否

詠接本花木

接木移花有變通果然人力補天工
借他巧比攻瑜石類我靈如負子蟲
萬萬自將枝幹庇豆其須識本根同
吟庚賦悲枯樹忍看糞婪半死桐

鈔詩草竟書後

休問相遭眼白青大瀛海裏一飄萍
能留數語招人訕也勝浮生共草零
用近人仲海語與世何裨雲自悅
讀書未破筆無靈幽吟一笑號寒蛩
慚愧清河著作庭

以上在杭付刊未竣遇劫被
毀今冊定重鋟續作編于後